

Sarajevo,
Broj:

30-04-2020

01-04-4-19294

Na osnovu člana 70. i člana 18. Stav 1. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13) i člana 21. Pravilnika o javnim nabavkama Kliničkog centra Univerziteta u Sarajevu (br. 0202-14544/17) na prijedlog Komisije za javnu nabavku po Izvještaju br. 10-33-4-19274 od 28.04.2020 godine, Generalna direktorica donosi:

**ODLUKU
o poništenju
i ponovnom pokretanju postupka javne nabavke
brahiterapijskog uređaja (HDR) sa pratećom opremom i izocentričnog C-luka
za potrebe Klinike za onkologiju KCUS-a**

I

Prihvata se prijedlog Komisije za javnu nabavku brahiterapijskog uređaja (HDR) sa pratećom opremom i izocentričnog C-luka za potrebe Klinike za onkologiju KCUS-a, po Izvještaju br. 10-33-4-19274 od 28.04.2020 godine, nakon provedenog otvorenog postupka javne nabavke sa međunarodnim učešćem, **objavljenog na portalu e-nabavke pod brojem: 893-1-1-101-3-44/20 i postupak poništava u skladu sa članom 69. stav 2. tačka d) ZJN, jer nijedna od primljenih ponuda nije prihvatljiva.**

II

Ovom odlukom odobrava se pokretanje postupka javne nabavke za izbor najpovoljnijeg ponuđača za **nabavku brahiterapijskog uređaja (HDR) sa pratećom opremom i izocentričnog C-luka za potrebe Klinike za onkologiju KCUS-a.** Predmetna nabavka će se provesti putem otvorenog postupka javne nabavke sa međunarodnim učešćem uz primjenu e-aukcije. Obavještenje o nabavci i tenderska dokumentacija objavit će se na portalu Agencije za javne nabavke.

III

U skladu sa procijenjenom vrijednosti za realizaciju nabavke iz člana 1. ove odluke odobravaju se finansijska sredstva u iznosu od 1.400.000,00 KM bez PDV-a (Brahiterapijski uređaj-HDR sa pratećom opremom 1.000.000,00 KM i Izocentrični C-luk 400.000,00 KM). Nabavka je planirana privremenim Planom JN za 2020. god. (Odluka UO broj:478/20) i Izmjenom i dopunom privremenog Plana JN za 2020 (Odluka UO broj: 510/20) pod klasifikacijom investicije-robe tačka 9. Sredstva za nabavku su obezbijedena/izdvojena iz sredstava paticipacije, zakupa i ostalih sredstava KCUS-a.

Uslovi plaćanja predviđeni za postupak nabavke su plaćanje za iznos 30 % vrijednosti nabavke, po isporuci, puštanju u rad, obostranom potpisivanju Zapisnika o primopredaji opreme i izdavanju računa, a ostatak sredstava u 12 jednakih mjesečnih rata (iznos rate cca 95.000,00 KM) na osnovu Odluke UO br. 510/20 protokol 04-2-9811/20.

IV

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima koji su učestvovali u postupku javne nabavke, a u skladu sa članom 71. ZJN.

OBRAZLOŽENJE

Klinički centar Univerziteta u Sarajevu (u daljem tekstu KCUS) pokrenuo je postupak javne nabavke brahiterapijskog uređaja (HDR) sa pratećom opremom i izocentričnog C-luka za potrebe Klinike za onkologiju KCUS-a, putem otvorenog postupka sa međunarodnim učešćem, te je na portalu javnih nabavki objavio obavještenje o nabavci br. 893-1-1-101-3-44/20, zajedno sa tenderskom dokumentacijom.

Sa portala e-nabavke tendersku dokumentaciju je preuzelo 16 (šesnaest) potencijalnih ponuđača, a do krajnjeg roka određenog za prijem ponuda 14,45 sati, dana 13.04.2020. godine, dostavljene su 2 (dvije) ponude potencijalnih ponuđača : -Medit d.o.o. Sarajevo ul. Hamdije Čemerlića broj 2/14 (dana 13.04.2020 u 13,20 sati) i - Inel-med d.o.o. Mostar ul. Rudarska 20 b, (dana 13.04.2020 u 14,25 sati).

Stine M. Elhad

Komisija imenovana Odlukom broj: 01-04-4-17369/20 je izvršila uvid i provjeru svakog dostavljenog dokumenta i ustanovila slijedeće:

1. **Ponuda ponuđača Medit d.o.o. Sarajevo** za ponuđeni brahiterapijski tretmanski krevet (R.b. 1.4 TD) umjesto kataloške dokumentacije sadrži dokument koji se izgledom vezuje za proizvođača opreme GFM mbH Wasserweng u vidu izjave, u kojem je, u slobodnom prevodu navedeno da ponuđeni krevet ispunjava sve tražene karakteristike. Niti jednu od traženih tehničkih karakteristika tretmanskog kreveta (R.b. 1.4 TD), ponuđač nije dokazao kataloškim materijalom nego je u svrhu dokazivanja istih dostavio navedeni dokument. Također, pomenuti dokument nije niti original niti ovjerena kopija i ne sadrži ovjeru i potpis ovlaštenih/odgovornih lica proizvođača opreme. Na osnovu navedenog, Komisija nema način da utvrdi da li ponuđeni tretmanski krevet odgovara traženim karakteristikama iz TD. Također, ponuđač za predmetni tretmanski krevet nije dostavio „**Pojedinačni certifikat/i serviser (najmanje jedan) kojim ponuđač raspolaže, a kojim se dokazuje da su serviser/i osposobljeni/ i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu obostrano potpisanu)**“, što je traženo Tačkom 3.1. l) TD.

2. **Ponuda ponuđača Inel-med d.o.o. Mostar** za ponuđeni Brahiterapijski (HDR) uređaj tip: Flexitron afterloading system proizvođača Elekta **nije dostavljena u skladu sa zahtjevima TD Tačkom 3.1. l) traženo „Pojedinačni certifikat/i serviser (najmanje jedan) kojim ponuđač raspolaže, a kojim se dokazuje da su serviser/i osposobljeni/ i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu obostrano potpisanu) (traženo).** Dostavljeni certifikati serviser (najmanje jedan) kojim ponuđač raspolaže, a kojim se dokazuje da je serviser osposobljen za održavanje ponuđene opreme **nije odnosno nisu odgovarajući.** Dostavljeni su certifikati serviser koji je osposobljen za održavanje neke druge opreme proizvođača Elekta/Nucletron, a **nisu za opremu koja je predmet nabavke.**

Daljom analizom utvrđeno je da za ponuđeni **1.5 sistem za planiranje** (Tehnička specifikacija 1.5.1. do 1.5.9.) i **1.6 Dodatni sigurnosni sistem** (Tehnička specifikacija 1.6.1. do 1.6.6.) ponuđač Inel-med d.o.o. u kolonu potvrđivanja / negiranja DA/NE, nije naveo ništa, što je neprihvatljivo, jer je u obavezi ponuđača da popuni sve Aneксе (traženo Tačkom 3.1. d. TD).

Također, ponuđač za predmetni tretmanski krevet nije dostavio „**Pojedinačni certifikat/i serviser (najmanje jedan) kojim ponuđač raspolaže, a kojim se dokazuje da su serviser/i osposobljeni/ i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu obostrano potpisanu)**“, što je traženo Tačkom 3.1. l) TD.

Iz gore navedenih razloga Komisija je konstatovala da :

- ponuda ponuđača **Medit d.o.o. Sarajevo** ne sadrži sve tražene elemente ponude jer ne ispunjava formalno pravne i suštinske zahtjeve postavljene tenderskom dokumentacijom, te **je neprihvatljiva i ne može biti predmet vrednovanja, odnosno ne može učestvovati u daljem toku natjecanja.**
- ponuda ponuđača **Inel - med d.o.o.** ne sadrži sve tražene elemente ponude jer ne ispunjavaju formalno pravne i suštinske zahtjeve postavljene tenderskom dokumentacijom, te **je neprihvatljiva i ne može biti predmet vrednovanja, odnosno ne može učestvovati u daljem toku natjecanja.**

Obzirom da nije dostavljena ni jedna prihvatljiva ponuda, Komisija za javnu nabavku je Izvještajem br. 10-33-4-19274 /20 predložila da se postupak poništi (u skladu sa čl .69/(2)/d) ZJN).

Uzimajući u obzir naprijed navedeno, prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof. dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalbu najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđačima
- Tehničkom sektoru,
- a/a KCUS-a

Etica Bujic